

## ZAMONAVIY TANKGA QARSHI QUROLLARDAN HIMOYALANISH VOSITALARI

**Sayitkulov Alimurad Gaybullayevich**

podpolkovnik, Chirchiq oliy tank qo‘mondonlik muhandislik bilim yurti Qurollanish va otish kafedrasи tank bo‘linmalari otish tayyorgarligi katta o‘qituvchisi

### ANNOTATSIYA

Xozirgi davrdagi qurolli to‘qnashuvlar tez o‘zgaruvchan, murakkab dinamik xarakterga ega ekanligi va u yerda jangovar mashinalar va ularning ekipajlarini tankga qarshi qurollardan ximoyalash bo‘linmalarning jangovar qudrati va ruhiy barqarorligini saqlab qolishning bitta omili sifatida muhim ahamiyat kasb etadi.

Tanklarga muayyan tarixiy bosqichda qo‘yiladigan talablar Quruqliqdagi Qo‘sishlar va butun Qurolli Kuchlarning tuzilishi va uni qo‘llanilish usuliga ko‘ra doimiy o‘zgarib turadi.

Bu muammo, ayniqsa, xozirgi davrda juda dolzarb bo‘lib, tanklarning jang maydonidagi roli va vazifalarini qayta ko‘rib chiqishni taqozo etmoqda.

Tanklar va jangovar mashinalarining yashovchanligini, aksariyat mutaxassislar quyidagicha ta’riflaydi:

- o‘zini fosh etilishidan ximoyalanish,
- zabt etilishdan ximoyalanish;
- zirhni yorib kirishidan ximoyalanish;
- jangovar mashina va ekipajning fojiali talofatidan ximoyalanish.

Ko‘rib turganimizdek, omon qolish bu nafaqat kuchli zirh, balki tankga qarshi qurollarga boy bo‘lgan zamonaviy jang maydonida tank va uning ekipajining yashovchanligini ta’minlaydigan yechimlar majmuidir.

### FOSH ETILISHIDAN XIMOYA

Birinchi muammo, ya’ni o‘zini fosh etilishidan ximoyalanish, asosan mashina siluetining, ko‘rinadigan tekislikda ham, infraqizil zonasida va radiolokatsion chastota spektrida ham umumiyo ko‘rinishi va sezilishi bilan bog‘liq.

Ko‘rinadigan spektrda maxsus deformatsiyalanadigan bo‘yoq, maska qoplaması, kuchlanish bo‘limi ust qoplaması va yurish qismidan chiqayotgan issiqliq darajasini kamaytirish ekranlari ko‘llaniladi.

Ushbu chora-tadbirlar infraqizil nurlari orqali ko‘rish bo‘yicha va radiolokatsion aniqlashga nisbatan qoniqarli natijalar berishga qodir va shunga monand, razvedka va

yo‘naltirish vositalari va yuqori aniqlikdagi o‘q-dorilarning o‘zi boshqariluvchi kallaklariga tankni ko‘rinish ehtimolini sezilarli darajada kamaytiradi.



a



b

**1-rasm.** Tanklarning niqoblanishi, a-tabiiy joydagi niqoblanish, b- issiqqliq darajasini kamaytirish ekrani

### ZABT ETILISHDAN XIMOYA

Zabt etilishdan ximoyalanish asosan, mashinaning fizik o‘lchamlari va uning yuqori harakatchanligi funksiyasidir. Tankni yakson etishga to‘sinqilik qiluvchi tizimlarga optik-elektron qarshi harakat kompleksi (OEQHK), lazer masofa o‘lchash va nishon ko‘rsatishga to‘sinqilik qiluvchi tizim va faol ximoya komplekslari (KAZ) kiradi.

Bundan tashqari, texnikalarning niqoblanishi va harakati uchun joy relyefidan foydalanish taktikasi ham zabt etilishdan saqlanishga katta ta’sir ko‘rsatishi mumkin.

### ZIRHNI YORIB KIRISHIDAN XIMOYA

Zirhni yorib kirmasligini ta’minalash uchun hozirda juda ko‘p turli xil zirx aralashmalari mavjud. Shuningdek, tank qo‘sishmcha ximoyasining yuqori darajasini dinamik himoya komplekslari bilan ta’milanadi. Biroq, old zirhning maksimal himoyalangan joylarida ham tankni zirxini yorib kirmasligini to‘liq kafolatlab bo‘lmaydi. Har qanday tankni zirhlashtirish mavjud klassik komponovkadan kelib chiqib, maksimal himoya zonalari bilan bir qatorda zaiflashgan zonalarning juda katta qismini o‘z ichiga oladi.

An’anaga ko‘ra, asosiy tanklar,  $\pm 30^\circ$  kurs burchagi diapazonida maksimal himoyaga ega xisoblanadi.

So‘nggi o‘n yilliklarda past intensivlikdagi, tinchlikparvar operatsiyalarning tez-tez to‘qnashuvi sababli asosiy tanklarning ularga xos bo‘lmagan sharoitlardagi (shahar, tog‘li hudud va b.) jangovar qo‘llanilish taktikasi sezilarli darajada o‘zgardi.

Bu holatlar tankning eng kam himoyalangan joylari - yon tomonlari, ort va yuqori qismiga tankka qarshi vositalarni qo‘llash bilan tavsiflanadi. Biroq, ushbu hududlarni keng tarqalgan tankka qarshi vositalardan himoya qilish juda murakkab vazifa bo‘lib, u tankning og‘irligi va hajmini sezilarli darajada oshirishni nazarda tutadi. Shuning uchun, zamonaviy jang maydonida tankning yashovchanligini ta’minlaydigan eng muhim komponenti bu faol (KAZ) va dinamik himoya (DX) vositalarini kompleks tarzda qo‘llashni taqozo etadi.

## **OPTOELEKTRON QARSHI KURASH KOMPLEKSLARI (KOEP) “Shtora-1”**

### **2-rasm. “Shtora-1” kompleksi**

Birinchi marta jahon tank chiqaruvchilari ichida seriyali ishlab chiqarilgan T-80UK (1987) va T-90 tanklariga KOEP

“Shtora-1” o‘rnatalgan.




“Shtora” kompleksi ekipajga 0,7-2,5 mkm spektral diapazonda tankning lazer nurlanishi to‘g‘risida ogohlantirish beradi va infraqizil koordinatorlari bilan faol to‘sinqo‘yish orqali TQBR dan (“Tow”, “Milan”, “Xot”, “Drakon” va b.), shuningdek lazer nurlarini yutuvchi ko‘p spektrli aerozol pardalarini o‘rnatish orqali passiv o‘zi boshqariluvchi lazer kallakli komplekslar, yani boshqariluvchi snaryad “Koperxed” KUV «Laxat», TQBR «Xelfayr» va b. ximoya qilishni ta’minlaydi.

Kompleks, aerozol bilan passiv himoya qilishdan tashqari hujum qilayotgan TQV ni o‘z qurollaridan olov bilan talofat yetkazish uchun tezkor qidirishga imkon beradi. Lazer nurlatgich yo‘nalishi aniqlagandan so‘ng, kompleks operatorga ogohlantirish beradi. Biroq, xozirda bu kompleks vazifalarni bajarish imkoniyati cheklangan, chunki

ayni vaqtida masofa o‘lchagichlarda qo‘llaniladigan to‘lqinlar uzunligi spektral diapazoni 0,63-10,6 m.

### FAOL HIMOYA QILISH KOMPLEKSI (KAZ)

Hozirgi vaqtida dunyoning yetakchi davlatlari mutaxassislari faol himoya qilish usullariga juda katta umid bog‘lamoqda, bunda qurolni tankning zirhlari bilan to‘qnashishidan oldin aniqlash va yo‘q qilish prinsipi amal qiladi. «Drozd» faol himoya kompleksi 1983-yilda modernizatsiya qilingan T-55AD tanklariga o‘rnatilgan.



KAZ “Drozd” quyidagicha ishlaydi – RLS qabul qilib uzatgich moduli yaqin atrofdagi joyga to‘xtovsiz ravishda elektromagnit to‘lqinlarni chiqaradi. RLS 330 m masofada hujumkor tankga qarshi o‘q-dorilarni aniqlaydi. Agar o‘q-dorilar tankning konturiga uchsa, u holda taxminan 130 m masofa atrofida kuzatuv rejimiga o‘tadi. Bu rejimda EHT (Elektron hisoblash tizimi) nishondan aks etgan signalni qayta ishlaydi, shu bilan birga o‘q-dorilarning tezligini, tankka uchish burchagini aniqlaydi.

Signalni qayta ishlashdan so‘ng, EHT o‘q-dori tushadigan sektorni, o‘q otish mortirini aniqlashtiradi va hujum qilayotgan o‘q-dori va faol himoya kompleksining himoya zaryadini uchrashish nuqtasini hisoblab chiqadi.

Zarur vaqtida himoya zaryadi otiladi va mortir kesimidan 6,7 m masofada hujumkor o‘q-doriga parchalanish maydoni bilan talofat yetkazadi. (KAZ «Drozd» o‘q-dorilarining tezligi 120 m/s).

1980-yillarning oxirida yana bir boshqacharoq prinsipda ishlaydigan sovet «Arena» faol himoya kompleksi paydo bo‘ldi.

U quyidagicha ishlaydi - RLS yaqin atrofdagi hududga to‘xtovsiz elektromagnit to‘lqinlarni chiqaradi. Bir necha o‘n metr masofada RLS hujum qilayotgan TQVni aniqlaydi. Agar o‘q-dorilar tank yo‘nalishida uchsa, kompleks hujum qilayotgan TQV parametrlarini aniq belgilaydi, hujum qilayotgan TQVni uchish sektorini aniqlaydi, shaxta raqamini ximoya o‘q-dorisi bilan tanlaydi, hujum qilayotgan TQV va himoya o‘q-dorini talofat yetkazuvchi elementlarining uchrashish nuqtasini hisoblaydi, kerakli paytda himoya o‘q-dorini otadi va kerakli paytda himoya o‘q-dorining portlovchi muddasini portlatadi. Talofat yetkazuvchi elementlar hujum qilayotgan TQVni portlatgichini, yoki kumulyativ voronkasiga talofat yetkazadi yoki hujum qilayotgan TQVni tankdan uzoqda o‘z trayektoriyasida portlatadi.

## DINAMIK HIMOYA



Xozirgi kunda dinamik ximoya vositalarini shartli ravishda to‘rtta avlod ma’lum:

-birinchi avlod dinamik himoyasi (Kontakt-1 (Sovet ittifoki) va Blazer (Isroil)) konstruktiv jihatdan tankning korpusi va bashnyasiga o‘rnatiladigan bo‘lib,

yechib olinadigan konteyner ko‘rinishida tayyorlandi.

Ko‘pincha tankni faqat kumulyativ snaryadlardan himoya qilgan. Taktik va texnik talablar kinetik harakatli zirh teshar snaryadlardan himoyalanishni ko‘zda tutmadı. Konstruktiv jihatdan oddiyligi va ishlataladigan materialarning mavjudligi bilan ajralib turardi. 1982 yildagi tajribalar ma’lumotiga ko‘ra, «Kontakt» dinamik himoyasi o‘rnatilgan tanklarning kumulyativ o‘q-dorilaridan talofat ko‘rishi T-55A va T-62 tanklarida 4-4,3 marta, T-80B, T-72A va T-64B tanklarida 1,8-2 martaga kamaygan;

- ikkinchi avlod dinamik himoyasi 1980-yillarning ikkinchi yarmida yaratildi va kalibr osti zirxteshar snaryadlarga qarshi samarali ximoyani ta’minalashga erishildi. Ikkinci avlod komplekslaridan bizga ko‘prok sovet ittifokining Kontakt-5 ma’lum.

- dinamik himoyaning uchinchi avlodiga 2006-yilda yaratilgan Rossiyaning “Relikt” mansubdir. Ushbu ximoya tizimi takomillashgan T-72B tanklariga o‘rnatilgan. Dinamik ximoyaning mazkur variantlari ham zirxteshar kalibrosti va kumulyativ o‘q-dorilaridan samarali ximoya qilishni ta’minalaydi.

- dinamik himoyaning to‘rtinchi avlodiga Rossiyaning o‘rnatilgan modulli “Malaxit” kompleksi kiradi. Ushbu kompleks “Armata” (T-14 tanki, BMPT-15) oilasiga mansub jangovar mashinalarida jixozlangan. Ekspertlarning xulosasiga ko‘ra Malaxit o‘rnatilgan dinamik ximoya modulini “Afganit” faol ximoya kompleksi bilan integratsiyalashgan holda portlatishning elektron boshqaruvi mavjud. Ekspertlar fikricha Afganitning radari o‘rnatilgan dinamik ximoya moduliga oldindan detonatsiyaga kirishishga komanda beradi, bu esa yirik tandem jangovar kallakli TQBR larga qarshi samarasini oshiradi. Shuningdek, T-14 tankining dinamik ximoyasi Javelin kabi kuchli jangovar qismiga ega TQBR ga 60 gradusgacha uchish burchagida qarshi turishga qodir xisoblanadi.

## KUMULYATIV O‘Q-DORILARGA QARSHI KOZEROG

Javelin tankka qarshi boshqariluvchi raketaning tankning yuqori ya’ni zaif nuqtasiga zarba ta’sirini kamaytirish maqsadida Rossiya o‘z tanklarini (T-72B3M va T-72B3) kumulyativ o‘q-dorilarga qarshi kozerog bilan qayta jixozlagan. Rossiya qo‘mondonligi bu bilan o‘z tankchilarini Javelin ushbu qurilma ustida portlashini va tank kam miqdorda talofat ko‘rib, ekipajga zarar yetmasligiga ishontirgan.

Maxsus tajriba markazida o‘tkazilgan tadqiqotlarga ko‘ra ushbu kozerog Javelinning jangovar qudratini kamaytirishga qodir emas. Bu tank ekipajlari o‘zlarini Javelin uni zabit etmasligiga ishontirish uchun bo‘lgan ruhiy qurol xisoblanadi.

Ekspertlarning fikricha xozirgi kungacha na amerikaliklar va na ularning dushmanlari Javelinga qarshi samarali ximoya vositalarini yarata olmagan.

Javelin ga qarshi barcha imkoniyatlar ishga solindi, optoelektron datchiklar, tutun to‘sqliari va boshqa narsalar qo‘yildi, bu bilan Javelin ning nishonga urish samarasi juda kichkina miqdorda kamaydi, lekin bu qurol o‘ta xavfliligicha qolmoqda.

### XULOSA

Xulosa o‘rnida shuni aytish kerakki, zamonaviy, tankka qarshi vositalarga boy jang maydonlarida jangovar mashinlarni kompleks ximoya qilishga samaraliroq yondashuvni ko‘rinishni kamaytirish vositalarini, optik-elektron qarshi ta’sir komplekslarini, shuningdek faol va dinamik ximoya komplekslaridan iborat ko‘p darajali ximoyani qo‘llash orqali erishish mumkin.

Aynan ushbu kombinatsiya orqali zamonaviy tahdid xisoblangan tandem kumulyativ, zirxteshar kalibr osti, yuqorida va uchib o‘tish vaqtida hujumga o‘tuvchi o‘q-dorilarning barcha turlarini ta’siri davomida asosiy tanklarning yashovchanligini oshirish uddasidan chiqish mumkin.

**Qo‘silma va harbiy qismlardagi jangovar texnikalarning dinamik** ximoyasining portlovchi zaryadlarini RAQA omborlarida mavjudligi, alohida va to‘g‘ri saqlanishini nazorat qilish, zarurat bo‘lsa tanklarga qanday o‘rnatish bo‘yicha mashg‘ulotlar tashkillashtirish.

### FOYDALANILGAN ADABIYOTLAR RO‘YXATI: (REFERENCES)

- Хлопотов А. Т-72Б «Рогатка» // Техника и вооружение вчера, сегодня, завтра: журнал. 2007. Август (№ 08). С. 16-25.
- Raximov A.M. T-72A tankining tuzilishi va foydalanish bo‘yicha: o‘quv qo‘llanma: / A.M.Raximov.-T.: ЎР MB, 2012. –Б. 171-178.
- Davletov B.X. Tank mo‘ljalga olish moslamalariga texnik xizmat ko‘rsatish. O‘quv qo‘llanma. / B.X. Davletov. -T.: Chirchiq OTQMBY, 2010. B. 5-36.